

զայս և զայն արարեալ են, և հրամայէ օրինօք դատարանի քանդել և բառնալ զնոսս . չունիմք ինչ ասել առ այս, ոչ բռնութեամբ և ոչ 'ի ծածուկ արարեալ ինչ իցէ մեր, որպէս 'ի ժամանել երկրորդ հրովարտակին, Գանձապեան, որ Տեղապահ էր յայնժամ Կուսակալին, սակս գործադրութեան նորին գրեալ էր առ մեծամեծս քաղաքին, եւ դուք գիտութեամբ Մուվէլլային, Գատաւորին և մեծամեծաց քաղաքին արարեալ յայս արարիք մեզ թէ՛ ըստ հրամանի Արքային եւ օրինաց դատարանի այսոքիկ են իրաւունք բաժանորդութեան, և գրեցիք Իլա՛ և Հէօճէթի, և մեք սպասեմք առնուլ լուր ինչ 'ի մայրաքաղաքէն, զի լցցուք զթերի մնացեալսն . զի աւելի քան զայս ոչ կարեմք ասել ինչ և կամ առնել . դուցէ ցասնուցու Արքայ 'ի վերայ մեր : Իսկ Քաղաքապետն տարակուսեալ և սաշարեալ ցուցանէր զինքն . Գատաւորն 'ի բաց հրաժարէր և ոչ առնոյր յանձն պատասխանել Կուսակալին և կամ ժողով գումարել, եւ Հայք եւս այնպէս պատասխանէին, ապա իբր երկեզուկս առնելով զնոսս ասէ՛ ստիպիմ գրել և ծանուցանել զամենայն ինչ Տեառն իմոյ, որով վատթարանայ գործն և հասանին ձեզ չարիք : Հայք թողին զնա 'ի կամս նորին և դարձան 'ի տեղիս իւրեանց, զի յայտնապէս գիտացին թէ՛ ինքն 'ի գրգմանէ Յունաց վրդովեալ է զԿուսակալն :

Գատաւորն զիջեալ յաղաչանս Քաղաքապետին՝ գումարեաց ժողով և ընթերցաւ զգիր Կուսակալին, և արձակեալ զժողովն՝ մնացին ինքեանք եւ Ոստիկան Կուսակալին ('ի 14 Մարտի) և ետուն կոչել զՀայս . և զինի բանից, Քաղաքապետն առաջադրէր գրել Գատաւորին թուղթ ինչ օրհնութեան՝ ինքն և Հայք գրել մէն մի գիր աղաչանաց, և ըստ արժանի դատելոյ Գատաւորին ծանուցանել Բդեշխին զմտնդիրն, բայց թախանձէր զՀայս առաքել զոմն 'ի վարդապետաց 'ի Գամասկոս, իբր տալ պատասխանի ամենայն հարցմանց Բդեշխին և շիջուցանել զբարկութիւն սըրտի նորս : Ոչ երբէք հաճեցան Հայք ընդ բանս Քաղաքապետին, զի առաջին գիր Կուսակալին էր 'ի ձեւ հարցման, և երկրորդն վճիռ, և շէր ինչ հարկ առաքել զոք առանց խնդրելոյ Բդեշխին . թէպէտ գնացին սմանք յառաջագոյն